



3. august 2021

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

1. **Eqqumiitsuliortunut akileraartarnikkut oqilisaassinissamik Naalackersuisut qanoq pilersaaruteqarpat?**
2. **Suut pitsaaqutaappat nipilersortartoq suliffeqarfimmiit aningaasarsiasat A-indkomstitut inissisimappata ukununnga:**
 - a. **Nipilersortartunut**
 - b. **Namminersorlutik oqartussanut**
3. **Suut ajoqutaasinnaappat nipilersortartoq suliffeqarfimmiit aningaasarsiat A-indkomstitut inissisimappata ukununnga:**
 - a. **Nipilersortartunut**
 - b. **Namminersorlutik oqartussanut**
4. **Inatsisiliornikkut suut allannguutaasariaqarpat nipilersortartut isertitaat B-indkomstitut nalunaarsorneqarsinnaalissappata?**

Allannguinermi aningaasatigut qanoq kinguneqassappat ukununnga?

 - a. **Pisortanut**
 - b. **Namminersortunut**
 - c. **Innuttaasunut**
5. **Nipilersortartup akileraartarneq pillugu Inatsiartut Inatsisaat § 24 nr. 12, 2. Novemberimeersoq 2006, tassanilu § 37, 2017-174-mi allaqqasoq qanoq atorsinnaavaat?**

(Inatsisartuni ilaasortaq Aqqalu C. Jerimiassen, Atassut)

Tungavilersuut:

Ukiorpaalunngorput nipilersortartut atugaannik pitsanngorsarusulluta oqalulluta. Massakkullu killiffigisariaqalerparput inatsisitigut qanorpiaq teknikkitaatigullu allannguinnessamut iliuuseqarnissamut.



Nipilersortartorpassuit misigisarpaat naak namminersortutut allattorsimagaluarlutik, akiligassamik aaqqissuisumut nassiussisinnaatitaanatik. Taamaalillutillu aningaasartuutigisimasatik akileraartutigisassaminnut ilanngaatigisinnaanagit.

Uani paaserusupparput qanoq iliornikkut pingaartumillu inuussutissarsiutigalugu nipilersortartut akileraartarnikkut oqilisaaffigineqarsinnaanersut. Apeqqutigisagullu qulaani tassaapput nipilersortartoq aaqqissuisuniit atorfilittut sulisorineqartutut akilerneqartassanersoq A-indkomst toqqammavigalugu, immaqaluunniit nipilersortartoq namminersortutut akiligassamik nassiussisinnaatitaassanersoq B-indkomstitut.

Apeqqutinngorporlu nipilersortartut B-indkomst aqputigalugu akissarsisinnaanngortinneqarsinnaanersut. Namminersortuugunik CVR normortik atorlugu akiligassamik nassiussillutik, "sunngiffimmilu" nipilersortartuugunik CPR normortik atorlugu akissarsillutik.